

तिसलुनि सहरतोर विस्वसिरेनाहक, किर्स्तुना बळयि पोलु लोहतदु मुनेता सीटि

“आक्रिता परिक्सा एप्रिल 3 तारिक बेसतारम दिया 10 एगसोरे मनदगा”
इनजोरे गुरजि आबुर कीतोग. बराबर अदे वेलाते तासतद मता.

पिसिह केवाल किर्स्तु येसु इद दुनियाते वायनेनाहक वने, बूम पुटनामुनेने देवुळि बराबर कगो तासता. तान कगो एवता इन्हतोर, बराबर कगो, निल्पिह कीतद कगो (गलातितोर 4:4). ओना निल्पिह कीतद बराबर कगोते, बेल्लेहेम इनदनद जागाते बराबर ओग पुटटोग.

येसु किर्स्तु ओसो वने वास्तोग. अद दुस्रा कगो निल्पिह कीतद मन्हता, मति अद निल्पिह कीतद कगोतुन, देवुळतुन विळिससि बोगे पुनोग. इद 1 तिसलुनितोर पुस्तकता उंद मोदुल कबुर आंदु. इद केपा येसु कुस्वने वावोग आयनोग. 4:16-17 वेहतपु, ओग मोदुल देवतुलता आल्का, ओसो देवुळता अकुम ऊरनद लेडता संगे, देवुळदीपतगडाह वायनोग. ओग मोयुलपोगोन वायनोग, अस्के किर्स्तुन विस्वस कीस डोलतोर, मुने जीवा अरयनुर. ताना पयाये जीवात मनवालोर विस्वसिर, ओरा संगे सामिन कलियलाह, मेंदुल अग्के मोयुलपोगोन वळदे दायनुर, इदमे येसुना लोकर अमेसा ओना संगे मनदनुर.

तिसलुनितोर विस्वसिर यहुदि आयवोर मतोर. ओर विस्वस कीतस्केडाहे, तमा विस्वसतेनाहक तिपलते अन्दूर. अगडोर येसुना विस्वतोर, पोलुन वने सहरताहि पूंडिस मतोर. ओरिहक किर्स्तुनाड पोल्लोन कागहता पगवाहक, पोलु इद सीटटुन रासिस लोहतोग. देवुळतुहक विचर वानाह ताकना, दिनमे बेस कबळ कीस पिसना, येसु ओसो वायनेनाहक तयर मनदना, ओना अग ऊळसोर मनदना, इव पोल्लोन कागहतलाह इद सीटि रासतोग. इव पोल्लोड मयेनाहक वने मन्हताड. येसुन केपसोर इद बूमते माट मनाहजोम, आपुना ऐगेटोर विस्वसिरिन दीरा ईयना, ओसो माट येसुनेनाहके पिसिहनल इनजोर, दुस्रोरा मुनेह मावा बेसतल साक्सि मनदना गावले.

जोहरता पोल्लो

1 नना पोलुनन, सीलास* ओसो तिमोति✧, माटु इद सीटटुन मीक तिसलुनि सहरते मनवालोरो विस्वसिरा मुडुहक✧ रासलाह आतोम. मीट देवुळबाबाना संगे, ओसो येसुसामि किर्स्तुना संगे जोळेम आतोरिर, मीक देवुळताहि सुकमि, देव्या दोर्कि.✧

तिसलुनितोर विस्वसिरा ताकमुळि

2-3 मीट येसु किर्स्तुन विस्वस कीताहकु, बाताल बाताल कबळ कीतिर, ओसो दुसोर विस्वसिरिन जीवा कीताहकु,✧ ओरा संगे बह कहटेम कीतिर, अहे ओसो मावा येसुसामि किर्स्तुना पोगोन बह मेग्निस आसा तासतिर इनजोर,✧ मावा देवुळबाबाना मुनेह सीता कीसोर महनोम. ओसो मियेनाहक पार्तना कीयहपा, मीट सबेटोरैनाहक अमेसा देवुळतुन जोहर कीयहनोम.✧

4-5 देवुळि जीवा कीतोर मावोर विस्वसिरिर! येसु किर्स्तुना बेसता कबुरतुन मियगा पोक्कुर कीतोम अस्के, अद सिरप तोडटा पोल्लोय आयो. मति अद कबुरता मेटे, देवुळता जीवा तना लाव तोहता.✧ अह आसि, अद कबुर देवुळताहे वाता इन्जि, मीवा पूरा बर्वस मता.✧ इदिन ऊळिसि, अद मीक तना मन्कलोर आयना इन्जि आचता इनजोर,✧ माट पुतोम. अदिनेनाहक वने जोहर कीयहनोम.

मीट विस्वस कीसि बेद्रमतोरिर आतिर इन्जि, माट ऊळतोम. अद्रमे माट मियगा मनदहपा बेद्रमलेहका ताकतोम, अदिन मीट वने पुतिर;✧ मीवा पायदातेनाहक माट अद्रम ताकतोम.

6 मीट वने येसुन विस्वस कीताहकु, पकाय तिपलते अरतिर. तेला मति देवुळता जीवा, मीक ईतद गिर्दाते, बेसता कबुरतुन नमतिर.✧ अचोन तिपलते वने, बेसता कबुरतुन नमताहकु, मावा लेहका ओसो सामिना लेहका ताकलाह आतिर.✧

7 अदिनेनाहक इंजेके मीवा मकिदुनिया पटटोर सबेटोर विस्वसिर, ओसो अकाया पटटोर सबेटोर विस्वसिर, मीक ऊळिस ताकना लेहकान आतिर.✧

* **1:1 1:1** सीलासिन सिलवानुस वने इंदुर. ओसो ओना लोप्पा बळयिरा पुस्तकते 15:22—18:5 इव अदुयकने अर्वलाह दोर्किहता. ✧ **1:1 1:1** बळयिर 16:1 ✧ **1:1 1:1** बळयिर 17:1-4 ✧ **1:1 1:1** रोम सहरतोर 1:6-7 ✧ **1:2-3 1:2-3** गलातितोर 5:6; 1 तिसलुनितोर 3:6; 1 तिमोति 1:13-14; इब्रितोर 6:10 ✧ **1:2-3 1:2-3** रोम सहरतोर 8:25; 15:4 ✧ **1:2-3 1:2-3** रोम सहरतोर 1:8-9 ✧ **1:4-5 1:4-5** रोम सहरतोर 15:13; 1 कुरिततोर 4:20; 2 कुरिततोर 6:6 ✧ **1:4-5 1:4-5** कुलुसितोर 2:1-3 ✧ **1:4-5 1:4-5** 2 पत्र 1:10 ✧ **1:4-5 1:4-5** 2:10 ✧ **1:6 1:6** बळयिर 13:52; 2 कुरिततोर 6:10; गलातितोर 5:22-23 ✧ **1:6 1:6** बळयिर 17:5-10; 1 कुरिततोर 4:16 ✧ **1:7 1:7** 4:10; 1 पत्र 5:3

8 बह इतेके, सामिना पोल्लो मियगडाहिये, ईनाह-आनाह मन्कलोरगा पोक्कुर आसोर एवता. ओसो मीट देवुळतुन बेद्रम विस्वस कीतिर, अद पोल्लो वने पोक्कुर आता. सिरप मकिदुनिया पटटे ओसो अकाया पटटेन आयो, मति सबे जागाने पोक्कुर आता. ✧ अदिनेनाहक इंजेके, मीवा विस्वसता लोप्पा माक बाताले वेहतलाह गर्ज इले.

9 माट मियगा वातोम अस्के, मीट बह माक बेस-नेहना ऊळतिर, ✧ ओसो बह पेन-बोमान मोळकना विळिससि, जीवात मनदनद निटम देवुळतुन माळलाह, तानेके मिळन्दतिर; ✧

10 बह मीट देवुळता मगि, तना जागाताहि ओसो वायनद दियातुन, अग ऊळसोर महनिर, ✧ इव सबे पोल्लोन लोकुर वेहतलाह आतोर. देवुळ जीवा अर्हतोग ताना मगि येसुये, ✧ देवुळ ईयनद आक्रिता सिक्साताहि माक पिसिह कीस्तोग. ✧

2

पोलु विस्वसिरा संगे बेद्रम मंदोग

1 मावोर विस्वसिरर! माट मियगा वास मतद उगसिन आयो इनजोर, ✧ मीट वने पुतिर.

2 मीवा सहरते वावस्के, पिलिपि सहरतगा पकाय तिपल आतोम. अगडोर मन्कलोर माक बेद्रम उस्कतोर-पास्कतोर, इद मीट पुतिर. ✧ अद्रमलेहका मियगडोर लोकुर वने माक पकाय विस्व कीसाय मति, देवुळता बेसता कबुरतुन मीक वेहतलाहि, दीरा पोस मतोम; मावा देवुळि माक दीरा ईस मता. ✧

3 मीक विस्वस कीया वेहतोम, अद वेलाते माट लेसिस मतोम इन्जि आयो, ✧ अहे लाग्वा विचरते कीतोम इन्जि वने आयो, ✧ ओसो मीक नाळेह कीयलाह इन्जि वने, अद्रम वेहोम. ✧

✧ 1:8 1:8 रोम सहरतोर 1:8; 16:19; 2 तिमोति 2:9 ✧ 1:9 1:9 2:1 ✧ 1:9 1:9 बळयिर 14:15; 1 कुरिततोर 12:2; 1 योहन 5:21 ✧ 1:10 1:10 मत्याल 16:27; 1 कुरिततोर 1:5-7; 1 तिसलुनितोर 4:16 ✧ 1:10 1:10 बळयिर 2:24 ✧ 1:10 1:10 रोम सहरतोर 5:9; 1 तिसलुनितोर 2:16; 5:9 ✧ 2:1 2:1 1:9; 2 तिसलुनितोर 1:10 ✧ 2:2 2:2 बळयिर 16:19-24; पिलिपितोर 1:30 ✧ 2:2 2:2 बळयिर 17:1-9; 2 कुरिततोर 3:12 ✧ 2:3 2:3 2 तिसलुनितोर 2:11 ✧ 2:3 2:3 4:7 ✧ 2:3 2:3 2 कुरिततोर 4:2

4 मति देवुळि माक सेतेम ऊळिस आचता, ओसो बेसता कबुरतुन मावा कयदे ईता, अदिहक वेहतहनोम. ✨ माट मन्कलोरिहक गिर्दा वानाह वेहोम, मति मावा विचरतुन पर्हीकिस ऊळनद देवुळतुहक, ✨ गिर्दा वानाह वेहतहनोम. ✨

5 मीक गिर्दा वानाह वेहचि, नाळेह कीयलाहि मियगा वावोम. मावा लालुसतुन मकिह कीसि, मीक नाळेह कीयलाहि वने वावोम, ✨ देवुळिये मावा साक्सि मन्हता. इदिन मीट वने पुतिर.

6-7 मियगा मनदहपा, माट येसु किर्स्तुनाड बळयिरोम, ✨ अदिनेनाहक मीट माक मान ईयना इनजोर वेहतलाह, माक अदिकर मताये. मति मीट आयि, बोर दुसोर आयिर, मन्कलोर माक इद्रम मान ईयिर इनजोर, माट विचर केवोम. ✨ मति पाल ऊहतनद तलोग, तनाड पिलाड-पेकोरिन बेद्रम बेस-नेहना अय कीस्ता, ✨ अद्रम माट वने मीवा संगे उड्लोरा लेहका, कुलुल बुदते मतोम. ✨

8 मीक पकाय जीवा कीस मताहकु, देवुळता बेसता कबुरतुन मीक गिर्दाते कागहतोम. अचोने आयो मति, मीवा पाय्दातेनाहक, मीवा संगे पोत्ला आयलाह ऊळिंदोम, अचोन मीक जीवा कीतोम. ✨

9 मावोर विस्वसिरि! मियगा मनदहपा, माट बेद्रम एपुर पेसनाह कहटेम कीतोम, इदिन मीट सीता कीय्हनिर! ✨ मियगडाहि बोनगाने माट ताल्हकिस तिनदनद आयो इन्जि, ✨ नगका पिळ्वळ पियल-पोळ्दु, कबळ कीस तितोम! ✨* ✨ अद्रम मनजोरे मीक देवुळता बेसता कबुरतुन पोकरु कीतोम.

10 मीट विस्वसिरिर पुतप लेहका, माट मीवा संगे मनदहपा, मावा ताकमुळ पवित्र, सेतेमता ओसो कसुरलेवा मता, ✨ इदिना मीट साक्सि महनिर, ओसो देवुळ वने साक्सि मन्हता. ✨

11-12 देवुळि मीकु तना राजेमतोर मन्कलोर कीयलाहि, तना डीसातगा काल्हपलाहि केयलाह आता. ✨ अदिनेनाहक तान्क विचर वानाह ताकाट इनजोर

✨ **2:4 2:3-4** 2 कुरिततोर 6:8; गलातितोर 2:7 ✨ **2:4 2:4** रोम सहरतोर 8:27 ✨ **2:4 2:4** 2 कुरिततोर 2:17; गलातितोर 1:10 ✨ **2:5 2:5** बळयिर 20:33; 2 पत्र 2:3 ✨ **2:6-7 2:6-7** 1 कुरिततोर 9:1-2 ✨ **2:6-7 2:6-7** योहन 5:41,44; 2 कुरिततोर 4:5 ✨ **2:6-7 2:6-7** गलातितोर 4:19 ✨ **2:6-7 2:6-7** 2 तिमोति 2:24 ✨ **2:8 2:8** 2 कुरिततोर 12:15 ✨ **2:9 2:9** 2 कुरिततोर 11:27 ✨ **2:9 2:9** 1 कुरिततोर 9:4; पिलिपितोर 4:16 * **2:9 2:9** बळयिर 18:3 वचनतगा रासतपु, पोलुर अगा टमिड पंडनद दंदा कीदुर. ✨ **2:9 2:9** बळयिर 18:3; 1 कुरिततोर 9:4-10; 2 कुरिततोर 11:9 ✨ **2:10 2:10** 1:4-5 ✨ **2:10 2:10** 2 कुरिततोर 1:12 ✨ **2:11-12 2:11-12** रोम सहरतोर 8:28; 1 तिसलुनितोर 5:24; 2 तिसलुनितोर 1:10; 1 पत्र 5:10

वेहतोम, ✨ वेहचि, तपे तनाङ पिलाङ-पेकोरिन कीयना लेहकान, मीवा ओर्वोग-ओर्वोग मन्कना जीवातुहक दीरा ईसोर, बुद काऱहचोर, तेळियिह कीसोर मतोम, इदिन मीट पुतिरे. ✨

13 माट मीक देवुळता पोल्लोतुन वेहतोम अस्के, मीट तान मन्कलोरा आयो, मति देवुळता पोल्लो इनजोर केंजतिर. ✨ अदिनेनाहक वने, माट अमेसा देवुळतुन जोहर कीय्हनोम, ✨ अद निटम देवुळता पोल्लोये! अद पोल्लो इंजेके मीक विस्वस कीतोरीन, देवुळतुहक विचर वानाह पिसलाह, बदले कीयलाह आता. ✨

14 इतेके बेद्रम यहुदा पटटगा, किर्स्तु येसुना विस्वसिरा मुडुन, ✨ तमाय यहुदि मन्कलोरे पकाय तिपल कीतोरे, अद्रमे मीवा देसेमतोर वने मीक तिपल कीतोरे. ✨ अदिनेनाहक यहुदि विस्वसिरिहक आतप लेहकान, मीक वने आता. ✨

15 यहुदिरे देवुळता कबुरतोर उय्तुरिन हक्कतोर, ✨ ओसो येसुसामिन वने हक्कतोर ✨! ओसो माट बेगा बेगा सामिना कबुर पोकर कीतोम, अव नाहकनाहि ओर माक पूंडटोर. इद्रम कीस मन्जि, ओर देवुळतुहक विचर वावोर. ओर सबे जातिनोर मन्कलोरीन वने कोटुल कीस्तोर.

16 बेद्रम इतेके, यहुदि आयवोर पिसनासाटि, ओरिहक देवुळता पोल्लो वेहतकोम इह्नोम, मति यहुदिरे माक वेहतलाह एवोर. ✨ इद्रम कीसि ओरा पापम वीळसोर दास्ता, ✨ इंजेक देवुळि ओड आता. अद ओरिहक सिक्सा ईयगाये. ✨

विस्वसिरिन ऊळलाह पोलुना जीवा पर्हकिहता

17-18 मावोर विस्वसिरिर! नना पोगोन रासतपु, † गळिकहक मन्कलोरे मियगडाहि माक एगिह कीस मतोर, अस्के ओर्विहक-ओर्वोग सिरप मोकम ऊळवा मतल, मति मावा सीता मीवाय संगे मंदु. ✨ अदिहक ओसोवने मीवा मोकम ऊळलाह, मावा पकाय जीवा पर्हकिदु, मियगा वायलाह अग ऊळसोरेन मंदोम. ✨

✨ 2:11-12 2:11-12 इपिससतोर 4:1 ✨ 2:11-12 2:11-12 1 कुरिततोर 4:14
 ✨ 2:13 2:13 रोम सहरतोर 10:17; गलातितोर 4:14 ✨ 2:13 2:13 रोम सहरतोर 1:8
 ✨ 2:13 2:13 इब्रितोर 4:2,12 ✨ 2:14 2:14 गलातितोर 1:22 ✨ 2:14 2:14 बळयिर 17:5; 1 तिसलुनितोर 3:4; 2 तिसलुनितोर 1:4-5 ✨ 2:14 2:14 इब्रितोर 10:32-34
 ✨ 2:15 2:15 मत्याल 5:12; बळयिर 7:52 ✨ 2:15 2:15 लूकाल 24:20; बळयिर 2:23
 ✨ 2:16 2:16 बळयिर 9:23; 13:45; 14:2,5; 17:5,13; 18:12; 21:21-22,27-28; 25:2,7 ✨ 2:16 2:16 पुटमुळि 15:16; दानिय्येल 8:23; मत्याल 23:32-33 ✨ 2:16 2:16 1:10 † 2:17-18 2:17-18 वचन 2 ऊळट. ✨ 2:17-18 2:17-18 1 कुरिततोर 5:3 ✨ 2:17-18 2:17-18 3:10-11

नना पोलुनन रेंड-मूंड मल्काड वायलाह ऊळतन, मति देयहकना मुक्याल अडम आस मता*‡

19 मीक पकाय ऊळ वसिस मता. बाराहक इतेके, मावा येसुसामि वायनोग अस्के, ओना मुनेह मीट वने मावा संगे मनदकिर इनजोर, माक आसा तासनाह कीतिर.* अस्के मीटे माक गिर्दा आनाह कीकिर.* माट मावा कबळतुन बेस-नेहना मारिह कीतोम इनजोर, पोगयनाह केवालोरिर मीटे!*

20 इंगो! माक पोगयनाह केवालोरिर, माक गिर्दा आनाह केवालोरिर मीटे!*

3

तिमोति पोलुनगा तिसलुनितोरा कबुर ततह्तोग

1 अदिनेनाहक ताना पया मीक ऊळवालेवा मनदा पगावाहके, नना ओसो सीलास एतेंस सहरते मन्जि,*

2-3 मावा तोळतोग तिमोतिन मियगा लोहतलाह विचर कीतोम. ओग किर्स्तुना बेसता कबुर पोकुर कीयनद कबळते, मावा ऐंगेटोग देवुळता सेवा केवाल आंदोग; इंजेके किर्स्तुनेनाहक वायनव तिपल्कनेनाहकु, बोगे पेके-मुनेह आयमाकेग इनजोर, मीवा विस्वसतुन मेक्किह कीसीयलाह, मीवा जीवातुन सितुर कीसीयलाह, ओन लोहतोम. माट विस्वसिरल किर्स्तुनेनाहक तिपल आयना इन्जि, देवुळता विचर मन्हता इनजोर, मीट पुतिरे.*

4 माट मियगा मनदहपा, माक तिपल वायना मन्हता इनजोर, मुनेन मीक वेहचोर मतोम,* अद्रमलेहकाने आता,* इदिन मीट पुतिरे.

* **2:17-18 2:17-18** रोम सहरतोर 15:22-23 ‡ **2:17-18 2:17-18** पोलु मुने तिसलुनि सहरते, येसुना कबुरतुन पोकुर कीतस्के, वेल्लाटोर येसुन विस्वस कीतोर. इदिन ऊळिसि अगडोर यहूदिरा जीवा कर्वता, अदिहक ओर पोलुना विस्वते लोकुरिन तहचि, सहरते कट्टला पुटिह कीतोर. कीसि पोलुन पंचतगा ततलाह ऊळतोर, मति पोलु ओरिहक दोर्कोग. दोर्कवाहकु, विस्वसिरिन पंचतगा ततोर, पया मुक्यालोर विस्वसिरगडाह जमानत एचि, ओरिन विळसतोर. पोलु अदे नग्का सहरताहि पेसिस अतोग. अदिनेनाहक पया, पोलुहक अगा ओसो दायलाह एकुळ आंदु. बळयिर 17:1-10 ऊळाट. * **2:19 2:19 3:12-13; 5:23; 2 तिसलुनितोर 2:1; 2 पत्र 1:16** * **2:19 2:19** पिलिपितोर 4:1 * **2:19 2:19** 2 तिसलुनितोर 1:4 * **2:20 2:20 2** कुरिततोर 1:13-14 * **3:1 3:1** पोलुन तिसलुनि सहरताहि पूंडटापया, ओग बिरिया सहरते अतोग, ताना पया एतेंस सहरते वातोग. सीलास, तिमोति इर्वुर आसि अगा वासि, ओन कलियतोर. (बळयिर 17:10-15) * **3:2-3 3:2-3** बळयिर 9:16; 14:22 * **3:4 3:4 2** तिसलुनितोर 2:5 * **3:4 3:4 2:14**

5 अदिनेनाहक मीट विस्वसते महनिर्रो, इलविरो इनजोर, नावा जीवा गाबर आताहकु, तान पुनदलाहि, तिमोतिन मियगा लोहतन. लोकरुगा पापमता विचर पुटिह कीयनद देयहकना मुख्याल, मीक वने विस्वस विळसनाह कीता बहे, माट पका कहटेम कीस, मीक देवुळता पोल्लो कागहतद कबळ उगसिन आता बहे इनजोर, रेयिस मतन.✧

6 मति इंजेके तिमोति मियगडाहि मलतोग, ओसो मीट विस्वसतुन विळसविर, इंजेके वने लोकरिन जीवा कीसोर महनिर इनजोर,✧ बेसता कबुर ततोग. मीक ऊळलाह पकाय मावा जीवा पर्हकना लेहकान, माक ऊळलाह पकाय मीवा वने जीवा पर्हकिहता इनजोर वेहतोग, अद्रमलेहका मीट बेस-नेहना मावा सीता कीसोर महनिर.✧

7 अदिनेनाहक मावोर विस्वसिरिर! मीट विस्वस विळसवदिन ऊळिस मन्जि, मावा तिपलते ओसो दुकमते वने, मावा जीवातुहक सुकम आता.

8 इंजेके मीट सामिन मेगिस विस्वस कीताहकु,✧ मावा जीवातगा जीवा वातप लेहकान आता.

9 मीवा लोप्पा देवुळता मुनेह बेस-नेहना गिर्दा आतोम, अद माक बेस-नेहना गिर्दा आनाह कीताहकु, माट तान बेचोन जोहर कीतिके वने आलो!✧

10 मुने मियगडाहि दरिमरिते पेसतोम, मीक विस्वसता लोप्पा कागहतलाह, वेल्लाडे पोल्लोड पिसिस मताड.✧ अदिहक मीक ओसो ऊळलाहि इनजोर, माट नगका पिळ्वळ पियल-पोळ्दु, देवुळतुन पका पार्तना कीयलाह आतोम.✧

11 इंजेके मियगा वासि मीक कलियलाहि, मावा देवुळबाबाल ओसो मावा येसुसामि, वेर इर्वुर माक अग दोर्किह कीयिर.✧

12-13 माट मीक जीवा कीतप लेहका, मीट वने विस्वसिरिर, ओर्विहक-ओर्वोग जीवा कीयनद, ओसो सबेटोर मन्कलोरिन वने जीवा कीयनद पका वीळसोर अनि, बेर्ससोर अनि इनजोर, पार्तना कीयलाह आतोम.✧ मावा सामि येसु तनाडु सबे पवित्र देवतुलकना संगे† ओसोवने वायहपा,✧ मावा देवुळबाबाना मुनेह मीट बाताले

✧ 3:5 3:5 2 कुरिततोर 11:3; पिलिपितोर 2:16 ✧ 3:6 3:6 1:2-3; पिलेमोन 4-5

✧ 3:6 3:6 1 कुरिततोर 11:2 ✧ 3:8 3:8 1 कुरिततोर 16:13 ✧ 3:9 3:9

1:2-3 ✧ 3:10 3:10 2 कुरिततोर 13:9 ✧ 3:10 3:10 2:17-18; 2 तिमोति 1:3

✧ 3:11 3:11 2:17-18 ✧ 3:12-13 3:12-13 पिलिपितोर 1:9; 1 तिसलुनितोर 4:1

† 3:12-13 3:12-13 सबे पवित्र देवतुलकना संगे "सबेटोर पवित्र लोकरुगा संगे," इद अर्तम वने आया पयाहता. ✧ 3:12-13 3:12-13 जकर्याह 14:5; 1 तिसलुनितोर 2:19

कसुरलेवा, पापमलेवा मनदना, अद्रम मनदलाहि, येसुसामि मीवा जीवातुन मेग्हिह कीयेग! ✨ इनजोर वने, पार्तना कीयलाह आतोम.

4

देवुळतुहक गिर्दा वानाह मनदनद मनमुळि

1 मावोर विस्वसिरिर! नना इंजेके आक्रिताड पोल्लोड वेहतहनन; देवुळतुहक गिर्दा वानाह ताकना इनजोर, ✨ मीक काऱहच मतोम. अहे मीट मनदलाह आतिर. मति इंका ओसो मीट अद्रमलेहकाने, मुनेह वने बेर्ससोर अन्हट इनजोर, माट येसुसामिना पेदिरते मीक अर्ज कीयलाह आतोम. ✨

2 येसुसामि माक अदिकर ईताहकु, मीक बाताल बाताल उकुम ईस मतोम, अदिन मीट पुतिर.

3 मीट पापमलेवा पवित्र आसोर दायना इनजोर, देवुळता विचर मन्हता. ✨ इतेके: साट्याल कबळताहि जेक मनदना; ✨

4 पवित्रते मन्जि, दुस्रोरा मुनेह मीट कदरलेवा मनदनद आयो इन्जि, मीट ओर्वोग-ओर्वोग मन्कल साट्याल बुदते ताकवा, आपुना मेंदुलतुन आव्रे कीयना.

5 देवुळतुन पुनवोर लोकर ✨ साट्याल विचर्कने ताकिहतोर, अद्रमलेहका मीट कीयनद आयो. ✨

6 बोगे तना तोळतोग विस्वसिना (मुतेन कव्स मन्जि,) मावोग विस्वसिय कोनि इनजोर, ओना अडम पापम कीयनद आयो. ✨ इद्रमताड कबस्क केवालोरिहक, सामिनाहि सिक्सा दोर्किहता; ✨ अदिहक अद्रम बेस्केन केमाट इनजोर, माट मीक मुनेन कळक पोल्लोते वेहच मतोम.

7 बाराहक इतेके देवुळि माक पवित्रते मनदलाह केयता; साट्याल कबळ कीयलाह आयो. ✨

✨ **3:12-13 3:12-13** 1 कुरिततोर 1:8; 2 तिसलुनितोर 2:17; याकुब 5:8 ✨ **4:1 4:1** 2 कुरिततोर 5:9; इपिसुसतोर 4:1 ✨ **4:1 4:1** पिलिपितोर 1:9; 1 तिसलुनितोर 3:12-13; 2 तिसलुनितोर 1:3 ✨ **4:3 4:3** इपिसुसतोर 5:17 ✨ **4:3 4:3** 1 कुरिततोर 6:18-20 ✨ **4:5 4:5** गलातितोर 4:8; इपिसुसतोर 2:12 ✨ **4:5 4:5** रोम सहरतोर 1:24-26 ✨ **4:6 4:6** लैव्यवस्था 18:20; मत्याल 14:3-4; 1 कुरिततोर 6:8 ✨ **4:6 4:6** रोम सहरतोर 12:19; इब्रितोर 13:4 ✨ **4:7 4:7** 1 कुरिततोर 6:13; 1 तिसलुनितोर 2:3; 2 तिसलुनितोर 2:13; 1 पत्र 1:15

8 अदिनेनाहक इद पोल्लोतुन बोग पास्किहतोग, ओग मन्कनु पास्कोग मति, देवुळतुन पास्किहतोग. इतेके, तना पवित्र जीवातुन मीवा जीवातगा उदिह कीयनदु, ☆ अद देवुळतुन पास्किहतोग.

9 इंजेके ओर्विहक-ओर्वोग तमोग-दादाना लेहका जीवा कीयनद पोल्लोतुन, मीक रासलाहि गर्ज इले. ओर्विहक-ओर्वोग जीवा कीम्हटु इनजोर, देवुळि तनाय मीक कागहता. ☆

10 मीवा मकिदुनिया पटटोर सबेटोर विस्वसिरिन, मीट जीवा कीय्हनिरे. ☆ मति मावोर विस्वसिरिर! इंका ओसो पका जीवा कीसोर मन्हटु इनजोर, माट मीक वेहतलाह आतोम. ☆

11 माट मीवा संगे मनदहपा, मीक उकुम ईतप लेहकान, दुसोरिहक तिपल एवा, आपुना-आपुना कबळ-कामतुन ऊळाटु, ☆ लंडा आयवा क्हटेम कीम्हटु. ☆

12 इद्रम मतेके, मीवा ताकमुळि विस्वस केवोरिहक विचर वानाह मनदगा, अहे मीट बोनाय पोगोन मोता आयविर. ☆

डोलतोर विस्वसिर बेगा दास्तोर?

13 मावोरिर, मीट डोलतोर विस्वसिरेनाहक, आसालेवोरा लेहका दुकम आयनद आयो इन्जि, ☆ माट मीकु तेळियिह कीस वेहतह्नोम.

14 डोलतोर विस्वसिरा बह आस्ता इतेके, येसु डोलिसि जीवा अरतोग, ओसो मल्स वायनोग इन्जि, माट विस्वस कीय्हनल. अद्रमे डोलतोर विस्वसिरिन, देवुळि मेंदुल अग्रेके जीवा अर्हिचि, ओरिन येसुना संगे देवुळदीपते ततगा. ☆

15 माटु सामि वेहतद पोल्लोते मीक इद्रम वेहतह्नोम इतेके, येसु मल्स वायनस्के, इद बूमते जीवात मनवालोर विस्वसिर, डोलतोर विस्वसिरिहकाय मुने देवुळदीपते अनोर. ☆

☆ **4:8 4:8** रोम सहरतोर 5:5; 2 कुरिततोर 1:22; गलातितोर 4:6; 1 योहन 3:24 ☆ **4:9 4:9** यशायाह 54:13; यिर्मयाह 31:33-34; योहन 6:45; 13:34; 1 योहन 2:27 ☆ **4:10 4:10 1:7** ☆ **4:10 4:10 3:12-13** ☆ **4:11 4:11 1 पत्रु 4:15** ☆ **4:11 4:11** बळयिर 18:3; इपिसुसतोर 4:28 ☆ **4:12 4:12** रोम सहरतोर 13:13; इपिसुसतोर 4:28; कुलुसितोर 4:5 ☆ **4:13 4:13** इपिसुसतोर 2:12 ☆ **4:14 4:14** रोम सहरतोर 14:9; 1 कुरिततोर 15:14,18; 2 कुरिततोर 4:14 ☆ **4:15 4:15 1** कुरिततोर 15:51-52; 1 तिसलुनितोर 5:10

16 येसुसामि देवुळदीपताहि इळन रेगनोग, रेगतस्के बेरा लेडते उकुम ईयनदु, मोदुल देवतुलता आल्का, ✧ देवुळता अकुम ऊरनदु, ✧ इव सबे केंज वायनुड. ✧ अस्के किर्स्तुन विस्वस कीस डोलतोर, मुने जीवा अरयनुर. ✧

17 ताना पयाये माट जीवात मनवालोरल, ओरा संगे सामिन कलियलाह, मेंदुल अग्के मोयुलपोगोन वळ्दे दाकल ✧, * इद्रमे माट अमेसा ओना संगे मनदकल. ✧

18 इव पोल्लोड वेहचि पया, ओर्विहक-ओर्वोग दीरा ईसोर मन्हटु.

5

सामि ओसो वायनेनाहकु तयर मन्हटु

1-2 कले नग्का कुस्वने वायना लेहकान, सामि ओसो वायनद दिया ✧ वने मनदगा इनजोर, ✧ मीट बेस पुतिर. अदिनेनाहक मावोर विस्वसिरिर! इंजेके येसुसामि बेस्के मल्स वायनोग, अस्के बह बह आस्ता इनजोर, मियेनाहक रासलाहि गर्ज इले.

3 इंजेके सुकम मन्हता, रेय इले इनजोर मन्कलोर इनदहपा, ✧ दोम्हक्ने ओरा पोगोन बेरा गोसा वायगा. ✧ पोटात मनदनद आंचाहक दोम्हक्ने नोयनद सुरु आस्ता, अद्रमलेहकाने आयगा. मन्कलोर बेगाने मकिस पिस पगवोर.

4 मति मावोर विस्वसिरिर, मीट ईकळते मतप, देवुळतुन पुनवोरा लेहका मनविर. अदिनेनाहक कले कुस्वने वातस्के, जीवा गाबर आयना लेहकान, अद दिया वातस्के, मीट गाबर आयविर आयकिर.

5 मीट सबेटोर विस्वसिरिर वेहचते मतप लेहकान, पियलते मतप लेहकान, बेस बुदते मनवालोरिर आदिर. उच्चुर मन्कलोर कीयना लेहकान, माट नग्का ईकळते मतप लेहका, उंजिस मनवालोर दुनियाता मन्कलोरल आयवल. ✧

6 अदिनेनाहक विस्वस केवोरा लेहका, बाताले पुनवा उंजतप मनवल. मति सामिना अग ऊळसोर उसरते मनदकल, बेसतल बुदते मनदकल. ✧

✧ 4:16 4:16 यहुदाल 9 ✧ 4:16 4:16 मत्याल 24:31 ✧ 4:16 4:16 1:10; 2 तिसलुनितोर 1:5-7 ✧ 4:16 4:16 1 कुरिततोर 15:18,22-23; तोहचीतव पोल्लोड 20:5

✧ 4:17 4:17 2 कुरिततोर 12:2; तोहचीतव पोल्लोड 1:7 * 4:17 4:17 नना जीवात मनेकेने, येसुसामि मल्स वायनोग इन्जि, पोलुना आसा मता बहे, अदिहक इद्रम रासतोग. ✧ 4:17 4:15-17 योहन 12:26; 1 कुरिततोर 15:51-52; 1 तिसलुनितोर 5:10; 2 तिसलुनितोर 2:1 ✧ 5:1-2 5:1-2 1 कुरिततोर 1:8 ✧ 5:1-2 5:1-2 मत्याल 24:43-44; लुकाल 21:34; 2 पत्र 3:10 ✧ 5:3 5:3 यिर्मयाह 6:14; 8:11; यहजेकेल 13:10 ✧ 5:3 5:3 2 तिसलुनितोर 1:9 ✧ 5:5 5:4-5 बळथिर 26:18; 1 योहन 2:8 ✧ 5:6 5:6 रोम सहरतोर 13:11; 1 पत्र 1:13

7 उंजवालोर इतेके नग्का उंजिहतोर, ओचवालोर नग्का ओचिहतोर;✧

8 माट बारा पियलता वेहचते पिसवालोर मन्कलोरल, माट ओचवा, बेसतल बुदते मनदकल.✧ सीपय तना अर्युलतुन राका कीयलाहि, कचता जगा केगयना लेहकान, विस्वसतुन ओसो जीवा कीयनद पोल्लोतुन, अमेसा पोस मनदकल.✧ ओसो सीपय तना तलातुन राका कीयलाहि, कचता टोपि मुचना लेहकान, देवुळि माक पिसिह कीयनद पोल्लोतुन आसा कीकल.✧ इवु (विस्वस, जीवा कीयनद, आसा कीयनद) माक ईकळताड सबे आकाड-दोकानाहि राका कीयनुड.✧

9 नना इव पोल्लोन बाराहक रासतन इतेके, सिक्सा ईयलाहि देवुळि माक निल्पिह केवो,✧ मति मावा येसुसामि किर्स्तु मयेनाहक डोलताहकु, माक पिसिह कीयलाहि निल्पिह कीता.✧

10 मावा येसुसामि ओसो वायहपा, माट जीवात मतेकाय, डोलिस मतेकाय, माट ओना संगे पिसना इनजोर, ओग मयेनाहक डोलिस मतोग.✧

11 अदिनेनाहक मीट इंजेके कीयहनिर अद्रमलेहकान, ओर्विहक-ओर्वोग दीरा ईम्हट, ओसो ओर्विहक-ओर्वोना विस्वसतुन बेसिह कीम्हट.✧

आक्रिताड पोल्लोड

12-13 मावोर विस्वसिरर! मियगा उच्चुर कहटेम कीसोर, मीक सामिना अगदे ताकिह कीस्तोर,✧ अहे मीक सेतेमता अग तोहतहतोर. ओरिन मान ईम्हट. ओर अद्रमता सेवा कीयनाहकु, ओरिन जीवा कीसि, ओरिहक पूरा कदर ईम्हट.✧ ओर्विहक-ओर्वोग गूनमते मन्हट इनजोर, मीक अर्जि कीयहनोम.✧

14 मावोर विस्वसिरर! ओसो उंद पोल्लो वेहतहनन: कबळतुहक लंडालोरिन बुदि काग्हाट,✧ आरेम आतोर जीवातुहक दीरा ईम्हट,✧ विस्वसते मेगकवोरिहक तोळ ईम्हट,✧ सबेटोर मन्कलोरा संगे ओड आयवा मन्हट.✧

✧ 5:7 5:7 बळयिर 2:15; इपिसुसतोर 5:18; 2 पत्रु 2:13 ✧ 5:8 5:8 1 पत्रु 1:13

✧ 5:8 5:8 यशायाह 59:17; इपिसुसतोर 6:14 ✧ 5:8 5:8 रोम सहरतोर 8:24 ✧ 5:8

5:8 रोम सहरतोर 13:12; इपिसुसतोर 6:16-17 ✧ 5:9 5:9 1:10 ✧ 5:9 5:9 2

तिसलुनितोर 2:13-14 ✧ 5:10 5:10 रोम सहरतोर 14:7-9; 1 तिसलुनितोर 4:17; 2 तिमोति

2:11 ✧ 5:11 5:11 2 कुरिततोर 12:19; इपिसुसतोर 4:29; यहुदाल 20 ✧ 5:12-13

5:12-13 रोम सहरतोर 16:6,12; 1 कुरिततोर 15:10 ✧ 5:12-13 5:12-13 1 कुरिततोर

16:15-16,18; 1 तिमोति 5:17 ✧ 5:12-13 5:12-13 मार्कल 9:50 ✧ 5:14 5:14

2 तिसलुनितोर 3:6,11,15 ✧ 5:14 5:14 यशायाह 35:4 ✧ 5:14 5:14 रोम सहरतोर

14:1 ✧ 5:14 5:14 1 कुरिततोर 13:4

15 उसरते मन्हट्टु, बोगे बोना लाग्वाता बद्ला लाग्वाडः कीयनदायो. ✨ मति ओर्विहक-ओर्वोग ओसो सबेटोर मन्कलोरिहक वने, बेसताडः कबस्क कीसीयलाह, अग ऊळसोर मन्हट्टु. ✨

16 अमेसा बेस गिर्दा आसोर मन्हट्टु. ✨

17 दिनम पार्तना कीसोर मन्हट्टु. ✨

18 मीक बाताल आतेकाय, देवुळतुन जोहर कीम्हट्टु. ✨ मीट किर्स्तु येसुना मुडगा मनवालोरिर, अद्रमलेहकाने कीयना इनजोर, देवुळता विचर मन्हता.

19-20 देवुळता जीवाता दळमते बोगाय वळहकनदिन पास्कमाट. पास्कतेके देवुळता जीवाता कबळतुन रोमिह कीतप आस्ता.

21 मति सबे पोल्लोडः (देवुळतगडाह मन्हताडा, इलेड इनजोर,) सेतेम पर्हकिस ऊळाट. बेव सेतेम पोल्लोडः मन्हताडः, अविस्किन पोस मन्हट्टु. ✨

22 सबे रीतिनाडः लाग्वाडः पोल्लोनगडाहि जेक मन्हट्टु. ✨

23 सुकम ईयनद देवुळि मीक पूरा पवित्र कीयि; ✨ मीवा बुदतुन, मीवा जीवातुन, मीवा मेंदुलतुन पूरा राका कीयि; अस्के मावा येसुसामि किर्स्तु ओसो वायहपा, ✨ मीट बेदे कसुरलेवा मनदकिर. ✨

24 मीक केयतद देवुळि ✨ अद्रमलेहकाने मीक तासिहता, बाराहक इतेके, ताना वेहतद पोल्लो अमेसा करलताये. ✨

25 मावोर विस्वसिरि! मयेनाहक वने पार्तना कीम्हट्टु. ✨

26 मीट सबेटोरिर ओर्विहक-ओर्वोग येसुना पेदिरते जीवा वाटसोरे जोहर कीम्हट्टु. ✨

27 इद सीटटुन अगडोर सबेटोर विस्वसिर केंजनाह अर्वाटु इनजोर, ✨ नना सामिना अदिकरते वेहतलाह आतन.

28 मावा येसुसामि किर्स्तुना देव्वा मियगा मनि. ✨

✨ **5:15 5:15** मत्याल 5:44; लुकाल 6:27-28; रोम सहरतोर 12:17-18 ✨ **5:15 5:15** रोम सहरतोर 12:9; गलातितोर 6:10 ✨ **5:16 5:16** पिलिपितोर 4:4 ✨ **5:17 5:17** रोम सहरतोर 12:12; इपिसुसतोर 6:18 ✨ **5:18 5:18** इपिसुसतोर 5:20 ✨ **5:21 5:19-21** 1 कुरिततोर 14:29; 1 योहन 4:1 ✨ **5:22 5:21-22** रोम सहरतोर 12:9 ✨ **5:23 5:23** रोम सहरतोर 15:33; 1 कुरिततोर 1:2,30 ✨ **5:23 5:23** 2:19 ✨ **5:23 5:23** 2 पत्र 3:14 ✨ **5:24 5:24** 2:11-12 ✨ **5:24 5:24** 1 कुरिततोर 1:9 ✨ **5:25 5:25** इपिसुसतोर 6:19-20; 2 तिसलुनितोर 3:1; इब्रितोर 13:18 ✨ **5:26 5:26** रोम सहरतोर 16:16; 1 कुरिततोर 16:20; 2 कुरिततोर 13:12; 1 पत्र 5:14 ✨ **5:27 5:27** कुलुसितोर 4:16 ✨ **5:28 5:28** रोम सहरतोर 16:20

Hill Madia
Hill Madia standard translation

copyright © 2021 Wycliffe Bible Translators, Inc.

Language: (Maria)

Contributor: The Seed Company

All rights reserved.

2025-05-15

PDF generated using Haiola and XeLaTeX on 14 May 2025 from source files
dated 15 May 2025

9f0bdb58-21f8-514e-8286-5b2942b7d458